



INGRESOS

III. INGRESOS

III.1. PRINCIPAIS CARACTERÍSTICAS DOS ORZAMENTOS PROVINCIAIS. TOTAL DEPUTACIÓNS/GALICIA


O orzamento global das catro deputacións provinciais de Galicia para o ano 2017 presenta un lixeiro descenso interanual, (-0,9%), pasando dos 491 millóns de € de 2016 aos 486,6 do orzamento de 2017, isto é unha minoración de 4,5 millóns. Pola contra houbo un aumento no índice xeral de prezos de consumo en Galicia no último ano (variación do 3,2% de xaneiro 2017 respecto a xaneiro de 2016).

Neste ano 2017 obsérvase o primeiro descenso desde 2012. A minoración orzamentaria foi nas contas das deputacións de Lugo, un 4,3% menor e Ourense (2,9% menos), mentres que nas dúas restantes os incrementos foron inferiores ao 1%, o que fixo que o conxunto diminúa lixeiramente.

INGRESOS ORZAMENTOS DEPUTACIÓNS PROVINCIAIS

	2016	2017
A Coruña	175.599.035	176.515.000
Lugo	83.888.677	80.428.085
Ourense	79.457.000	77.119.000
Pontevedra	152.096.300	152.510.200
Galicia	491.041.012	486.572.285

O peso relativo de cada un dos orzamentos provinciais respecto do total é igual ao ano pasado e similar aos anteriores. O orzamento coruñés segue a ser o de maior importe dos catro, representando o 36% do total, seguido do de Pontevedra, que achega co seu orzamento o 31% ao total das catro deputacións. pola outra banda están os orzamentos das dúas provincias menos poboadas, Lugo e Ourense cuxos orzamentos en 2017 representan o 17% e 16% respectivamente sobre o total das catro.



Se temos en conta a variable poboacional, tomando, como en anos anteriores, os datos do Padrón municipal de habitantes, publicado polo IGE, coa poboación provisional a un de xaneiro de 2017, habería que sinalar en primeiro lugar un descenso de algo máis de 10.000 persoas en Galicia, descenso lixeiramente inferior ao dos últimos anos, tomando este dato poboacional provisional, manifestando menos poboación nas catro provincias. Foi nas provincias de Ourense e Lugo nas que máis diminución tivo o dato de poboación provisional, tanto en valor absoluto como en taxa interanual.

A variable poboacional ademais reflicte que en termos per cápita, hai dous grupos claramente diferenciados, os de Lugo e Ourense, por unha banda, que son significativa mente superiores á media de Galicia e aos das outras dúas deputacións.

Orzamentos deputacións provinciais en termos per cápita

	2016	2017
A Coruña	156,4	157,6
Lugo	249,4	241,2
Ourense	252,5	247,5
Pontevedra	161,1	161,8
Galicia	180,7	179,7

Os importes en termos de euros per cápita referidos á poboación de cada ano presentan diminucións, tanto para a media de Galicia, un euro por habitante menos que en 2016, polo descenso poboacional, como nas provincias de Lugo e Ourense, nas que ambos datos reflectiron descensos, total orzamento como poboación, segundo os datos provisionais.

Máis adiante, no apartado de evolución de ingresos preséntase a traxectoria dos últimos once anos tanto en valores absolutos como en termos de importes divididos pola poboación de cada ano.

Principais cambios respecto ao ano anterior nos orzamentos de ingresos

Destácanse aquí, grandes trazos as variacións de maior importe e relevancia ao comparar o orzamento inicial dos anos 2016 e 2017.

- No orzamento global das catro deputacións provinciais obsérvase que todos os capítulos diminúen respecto do ano anterior, agás tres: os capítulos I e II de impostos directos e indirectos e o capítulo IV, de transferencias correntes.
- Tras varios anos consecutivos de incrementos interanuais, este ano o agregado de **ingresos tributarios** presenta unha diminución, do 4,9%, xa que pasou dos 105,2 millóns de euros aos 100,1 de 2017. A diminución produciuse polo descenso do capítulo III, Taxas e outros ingresos, xa que é o único dos tres de natureza tributaria que descende desde o ano pasado. A diminución provoca unha perda de peso porcentual na estrutura de ingresos, aínda que moderada, de oito décimas, chegando a representar a quinta parte do orzamento, o 20,6%.
- O capítulo I **impostos directos** no que se inclúen os recursos esixidos sen contra-prestación cuxo feito imponible estea constituído por negocios, actos ou feitos de natureza xurídica ou económica, que poñan de manifesto a capacidade contributiva do suxeito pasivo, como consecuencia da posesión dun patrimonio ou a obtención de renda, presenta a maior taxa de incremento, pasando dos 37,8 millóns aos 38,9 de 2017, cun incremento interanual porcentual do 2,8%. É o segundo recurso na estrutura de ingresos das catro deputacións, xa que presenta unha porcentaxe do 8% sobre o total de ingresos.

Este capítulo comprende a cesión provincial sobre o Imposto sobre a renda das persoas físicas (IRPF) e máis as recargas sobre impostos directos de outros entes locais, Imposto sobre Actividades económicas (IAE) sobre todo.


No grupo das deputacións nas que descendeu o total de ingresos, reflíctese que na de Ourense descenden todos os capítulos agás o de transferencias correntes (capítulo IV), mentres que a variación do orzamento lucense presenta maior variabilidade xa que varios capítulos medran e outros diminúen, aínda que a maior diferenza no seu orzamento de 2017 radica na forte redución do capítulo III, de Taxas e outros ingresos, que pasou dos 6,4 millóns en 2016 aos 1,8 de 2017, un 71,3% menos, que fai que tamén diminúa de xeito considerable a porcentaxe deste tipo de ingresos de natureza tributaria na súa composición de ingresos, pasando do 7,6% ao 2,3%.

As principais minoracións no capítulo III do orzamento da deputación de Lugo foron pola finalización das liquidacións da Consellería de Sanidade e Sergas polas transferencias de competencias ó Sergas supón unha redución de ingresos de 3,7 millóns de euros (que

se viña consignando na taxa por prestación do de servizos no Centro Residencial e Rehabilitador "San Rafael", e a redución da tarifa do Servizo de Recadación ós Concellos.

Nos orzamentos das restantes deputacións que non reflicten descenso interanual da súa cifra total de ingresos, destaca que no da Coruña, os únicos capítulos que crecen son o I e o IV, impostos directos e transferencias correntes, cunhas taxas de crecemento do 2,7% e 3%, respectivamente. Como estes dous capítulos son os de maior peso porcentual, fai que malia o descenso no resto de capítulos, o orzamento total non diminúa. Tamén o capítulo III, de taxas do orzamento da Deputación da Coruña mostra un moderado descenso ao comparalo co de 2016, cunha taxa de diminución do 12,4%, é dicir, 1,3 millóns de euros menos, pola redución da taxa polo servizo de recadación provincial, como no caso de Lugo.

O orzamento pontevedrés obsérvase que é o único dos catro no que tanto o agregado de ingresos tributarios, como cada un dos tres capítulos que o conforman (impostos directos, indirectos e taxas e outros ingresos) presentan cifras superiores ao orzamento de 2016. As taxas de incremento interanual son do 4,5% para os impostos (capítulos I e II) e máis baixa para as taxas, do 1,7%. Como consecuencia o agregado de ingresos tributarios do orzamento de Pontevedra elévase aos 35, 3 millóns de euros, cunha taxa de crecemento do 3,7%. Ademais, cómpre sinalar que é no orzamento pontevedrés no que os ingresos de natureza tributaria teñen maior peso relativo na estrutura de ingresos, chegando a representar o 23,1% do total de ingresos, seguido polo orzamento da Coruña no que a porcentaxe é do 22,7%.



- No orzamento de 2017 como en anos anteriores móstrase un incremento do capítulo IV: **as transferencias correntes** medran en 6,6 millóns de euros para o total das catro deputacións, que representa un incremento porcentual do 1,8%. Pasan dos 374 millóns aos 380,6 millóns de 2017. Este incremento, tendo en conta que o total de ingresos decrece, provoca que medre aínda, 2 puntos porcentuais máis na estrutura de ingresos o peso porcentual deste capítulo que é o de maior presenza; pasa do 76,2% en 2016 ao 78,2% . É dicir 78 euros de cada 100 dos orzamentos das corporacións provinciais galegas proceden directamente do Estado, sendo o Fondo Complementario de financiamento a achega máis importante en todos os orzamentos. das corporacións locais.

O capítulo IV aumenta nos orzamentos das deputacións provinciais, agás no orzamento da deputación de Pontevedra, no que se mantén case igual, cunha minoración porcentual do 0,1%, de escasa magnitude. Nas outras 3 contas provinciais hai aumentos das transferencias de capital, que oscilan entre o 1,6% de taxa de incremento interanual en Lugo ao 3% do orzamento coruñés.

Mantemento da cifra de Operacións correntes, que con 482,4 millóns de euros representan case a totalidade do orzamento de ingresos, cunha porcentaxe do 99,1% sobre o total. Este agregado soamente diminúe ao comparalo co do ano anterior no orzamento da Deputación de Lugo, reflectindo o resto de orzamentos provinciais incrementos interanuais.

Descenso dos ingresos patrimoniais, cunha taxa de variación elevada (38%) aínda que ten escaso efecto sobre a estrutura de ingresos.

- As **transferencias de capital** experimentan unha acusada minoración, de 3,1 millóns de euros, sendo o capítulo que tivo proporcionalmente a maior minoración. Así, o capítulo VII pasou dos 4,7 millóns aos 1,6 do orzamento de 2017; que provoca un descenso na porcentaxe sobre o total quedando en tan só o 0,3%.

Nos orzamentos das deputacións de Coruña e Pontevedra non hai consignación inicial no capítulo VII de ingresos, aínda que xa era así no ano 2016 no orzamento coruñés. No orzamento provincial de Ourense reflíctese un acusado descenso deste tipo de ingresos de capital por transferencias, que pasou dos 3,2 millóns de euros en 2016 a 0,1 millóns de 2017. No de Lugo a tendencia foi ao contrario, houbo un lixeiro incremento.

Como consecuencia, da información do capítulo VII e tendo en conta ademais, a diminución do capítulo VI de alleamento de investimentos reais, o agregado de operacións de capital tamén diminúe dun xeito moderado, e pasa a representar un punto menos que o ano anterior, quedando no 0,4% do total.

O descenso do importe do agregado de operacións de capital (capítulos VI e VII) produciuse en tres dos orzamentos provinciais, mentres que no de Lugo houbo un incremento interanual.

No que respecta ás operacións financeiras, ao igual que en anos anteriores, non hai consignación de capítulo IX e produciuse un moderado descenso do capítulo VII, de variación de activos financeiros, do 11,5%, e de 0,3 millóns de euros.

Principais características da estrutura de ingresos

A composición do orzamento das catro deputacións, presenta as seguintes liñas xe-ras:

- case a totalidade do orzamento son operacións non financeiras,.
- son as operacións correntes as que representan a gran maioría dos ingresos, co 99% do total
- as operacións de capital e as non financeiras soamente representan o 0,4% cada unha



- Case a totalidade, o 99,1% do total dos orzamentos da catro deputacións provinciais de Galicia, 482 millóns de euros, son ingresos de operacións correntes, que comprenden os capítulos do I ao V. Destes ingresos:
 - A partida máis cuantiosa é o capítulo IV, de transferencias e de participación nos tributos estatais, que é o de maior peso porcentual na estrutura de ingresos, co 78% do orzamento das catro deputacións e unha cifra de 380 millóns de euros.
 - Os ingresos tributarios, capítulos I, II e III, representan o 20,6% do total, cun importe de 100,1 millóns de euros
 - Os ingresos do capítulo V, patrimoniais, non chegan ao 1% de peso porcentual na estrutura de ingresos das deputacións provinciais galegas.


TOTAL DEPUTACIÓNS. ESTRUCTURA DE INGRESOS. Ano 2017		
ORZAMENTO DE INGRESOS (€)	IMPORTE	%
Operacións non financeiras	484.466.034	99,6%
Operacións correntes	482.387.696	99,1%
Operacións de capital	2.078.338	0,4%
Operacións financeiras	2.106.251	0,4%
TOTAL	486.572.285	100,0%
Detalle		
Ingresos tributarios (I, II, III)	100.077.681	20,6%
Transf. correntes (IV)	380.607.957	78,2%
Ingresos patrimoniais (V)	1.702.058	0,3%
Operacións de capital (VI, VII)	2.078.338	0,4%
Operacións financeiras (VIII, IX)	2.106.251	0,4%
TOTAL	486.572.285	100,0%

- Soamente o 0,4% son ingresos de capital, cun importe de 2,1 millóns de euros (capítulos VI e VII). Este agregado tivo unha perda de peso relativo na estrutura dun punto, pola acusada diminución das transferencias de capital.
- Por último, as operacións financeiras representan soamente o 0,4% do total dos recursos, cunha cifra de 2,1 millóns de euros, na que soamente ten dotación inicial o capítulo VIII de variación de activos financeiros.



**TOTAL DEPUTACIÓNS
ORZAMENTO DE INGRESOS**

CAPITULOS	2016		Increm. % Interanual	2017	
	IMPORTE	%		IMPORTE	%
OPERACIÓNS NON FINANCEIRAS					
I. Impostos Directos	37.811.409	7,7%	2,8%	38.861.008	8,0%
II. Impostos Indirectos	34.703.488	7,1%	1,1%	35.097.340	7,2%
III. Taxas e Outros ingresos	32.728.891	6,7%	-20,2%	26.119.334	5,4%
<i>Ingresos tributarios</i>	105.243.788	21,4%	-4,9%	100.077.681	20,6%
IV. Transferencias Correntes	374.016.456	76,2%	1,8%	380.607.957	78,2%
V. Ingresos Patrimoniais	2.745.230	0,6%	-38,0%	1.702.058	0,3%
Operacións correntes	482.005.475	98,2%	0,1%	482.387.696	99,1%
VI. Alleamento Investimentos Reais	1.906.208	0,4%	-76,1%	455.900	0,1%
VII. Transferencias de Capital	4.746.833	1,0%	-65,8%	1.622.438	0,3%
Operacións de capital	6.653.041	1,4%	-68,8%	2.078.338	0,4%
Operacións non financeiras	488.658.516	99,5%	-0,9%	484.466.034	99,6%
OPERACIÓNS FINANCEIRAS					
VIII. Variación Activos Financeiros	2.382.497	0,5%	-11,6%	2.106.251	0,4%
IX. Variación Pasivos Financeiros	0	0,0%		0	0,0%
Operacións financeiras	2.382.497	0,5%	-11,6%	2.106.251	0,4%
TOTAL INGRESOS	491.041.012	100%	-0,9%	486.572.285	100%

En resumo, son os Ingresos por operacións correntes a principal fonte de recursos dos orzamentos provinciais. O capítulo de **transferencias correntes**, supera as *tres cuartas partes do total dos recursos*, nas que a principal partida é a transferencia da Administración Xeral do Estado, en concepto de participación nos tributos do Estado, sendo **Fondo complementario de financiamento** a partida máis cuantiosa. En segundo lugar, son os ingresos procedentes dos tributos provinciais e recargo doutros impostos (impostos e taxas e prezos públicos) os que achegan ás arcas provinciais *a quinta parte do total de recursos* orzamentarios. O que pon de manifesto como o mantemento destas entidades recae cada vez máis sobre a cidadanía.




No que respecta á diferente composición do orzamento de ingresos de cada deputación, aínda que a grandes trazas presentan unha estrutura de ingresos moi similar, en primeiro lugar o capítulo IV de transferencias correntes, oscila entre o 76% do total de ingresos no orzamento provincial de Pontevedra, a de menor peso das catro ao 83% no de Lugo, no que neste ano 2017 houbo unha modificación na estrutura de ingresos ademais da diminución dos mesmo.



Os ingresos tributarios que son a segunda das fontes de financiamento da facenda provincial, cunha media do 20% de porcentaxe do total, varía a súa proporción entre o 23% que presentan este tipo de ingresos no orzamento coruñés e o 15% no de Lugo, no que como se sinalou anteriormente produciuse xa a cancelación das liquidacións pendentes coa Consellería de Sanidade polo traspaso do antigo hospital provincial á xestión autonómica e a redución da tarifa do servizo de recadación aos Concellos.


Os datos respecto ao total de operacións correntes non presenta case variacións entre uns orzamentos e outros dado a alta porcentaxe que representan nas catro, sendo a porcentaxe máis baixa a do orzamento lucense, co 98% e case do total de ingresos no coruñés.



No que se refire ás operacións de capital, investimentos reais (capítulo VI) e transferencias de capital (capítulo VII) como resultado do anterior ten o maior peso porcentual no orzamento provincial de Lugo, no que estes ingresos se estima que alcancen o 2% do total de recursos.

A estrutura de ingresos das corporacións provinciais galegas presentan características similares aos orzamentos do resto de entidades locais. Debido ás diferentes figuras impositivas entre ambos tipos de entidades locais, se poden observar certas diferenzas na composición de ingresos dos orzamentos dos concellos de Galicia para o ano 2017, segundo os datos provisionais obtidos do Ministerio de Hacienda.


- aínda que tamén as operacións correntes orixinan a maior parte dos seus recursos, nos concellos a porcentaxe non é tan elevada, con 6 puntos porcentuais menos de porcentaxe que nos orzamentos das deputacións (99%). No orzamento consolidado das Entidades locais galegas a porcentaxe queda no 96%
- os recursos procedentes de ingresos de capital teñen maior presenza nos orzamento dos concellos: un 5% fronte ao 0,4% nas deputacións. O dato do orzamento consolidado das EELL queda no 2% de ingresos por transferencias de capital e alleamento de investimentos reais.
- o mesmo coas operacións financeiras, coas que estiman ingresar o 2% do total dos seus recursos nos orzamentos municipais mentres que nas deputacións non chegan ao 1%, reflectindo o orzamento consolidado o 2% de recursos procedentes de variación de activos e pasivos financeiros.



No gráfico seguinte visualízanse só dous compoñentes da estrutura de ingresos, que son os de maior presenza, xa que representan:

- o 93% dos recursos orzamentarios dos concellos
- o 99% do total de ingresos dos orzamentos das deputacións
- e o 95% no orzamentos resultante da consolidación das entidades locais de Galicia.


E apréciase no gráfico a significativa achega que no caso dos orzamentos provinciais teñen as transferencias correntes.




Ao comparar as estruturas orzamentarias (de concellos, deputacións e consolidado de entidades locais) a un maior nivel de desagregación, as diferenzas son máis acusadas, xa que os dous agregados de ingresos de maior peso porcentual en ambas estruturas son os mesmo pero con resultados diferentes.

- os ingresos tributarios para o conxunto de orzamentos dos concellos galegos representan máis da metade dos seus recursos, achegando o 57% do total, fronte ao 21% das facendas provinciais. No orzamento consolidado das entidades locais o agregado de ingresos de natureza tributaria representa tamén máis da metade dos recursos, cunha porcentaxe do 53%.
- Sen embargo as transferencias correntes teñen un peso menor nos orzamentos municipais, nos que o capítulo IV representa o 36% do total de ingresos, fronte ao 78% nos orzamentos das deputacións provinciais. No orzamento consolidado das entidades locais galegas a porcentaxe na estrutura de ingresos queda no 43%.



No gráfico seguinte se aprecian os agregados que menor achega representan nos orzamentos das entidades locais galegas, para poder reflectir mellor as diferenzas, entre os orzamentos dos diferentes entes locais, municipais e provinciais e outras entidade locais. Compróbase así que é nos concellos onde os ingresos por operacións de capital teñen máis presenza, representando o 5% do seu total de ingresos; fronte ao esquema do orzamento de ingresos nas deputacións no que estes tres agregados teñen o mesmo peso porcentual, en cada caso do 0,4%.



Outro apunte que pode resultar interesante estriba na comparativa da estrutura de ingresos das facendas provinciais galegas co valor nacional, obtido dos datos provisionais do Ministerio de Hacienda, do que se extraen as seguintes liñas principais:



- os ingresos por operacións correntes sendo o maior agregado de ingresos, non reflicten un dato tan elevado
- o que significa que as outras dúas variables teñan máis peso
- así, no dato nacional o total de operacións correntes representa o 88% do total de recursos das facendas provinciais, as operacións de capital, achegan o 4% do orzamento e as operacións financeiras, representan o 8% do total dos orzamentos de ingresos.
- Das operacións de capital ca se a totalidade son as transferencias para investimentos de capital (capítulo VII) e no relativo aos dous capítulos que forman o agregado de operacións financeiras, dicir que ambos achegan unha porcentaxe similar ao total de ingresos.
- Ademais, os ingresos tributarios, teñen unha representación maior na estrutura de ingresos das facenda a nivel nacional, xa que representan o 27% do total de ingresos (6 puntos porcentuais menos que en Galicia), mentres que polo contrario, o capítulo IV de transferencias correntes, non ten un peso tan elevado como en Galicia, aínda que tamén é o capítulo de maior peso relativo na súa estrutura de ingresos, co 61%.



- Nos datos de orzamentos das deputacións a nivel nacional non se tiveron en conta os orzamentos do País Vasco pola diferente normativa fiscal.


III.2. VARIABLES DE INGRESOS en relación coa poboación provincial

Como resumo dos principais agregados de ingresos do orzamento inicial de 2017, expresados en termos de euros por habitante, sinálanse as seguintes características:

○ **total de ingresos** consignados ascende a 179,7 euros por habitante, 1 euro menor ao dato de 2016, ocasionado pola lixeira diminución da cifra de ingresos e polo descenso poboacional. Como en anos anteriores os datos dos orzamentos das dúas provincias menos poboadas son maiores ca media de Galicia, superándoa amplamente, con 241,2 e 247,5 €/habitante respectivamente para Lugo e Ourense.

Os importes en termos de euros por habitante nestas dúas deputacións tamén sufriron unha diminución, sendo 8 euros menos o total de ingresos por habitante deste ano 2017 ao consignado no orzamento inicial de 2016, e no caso de Ourense a diferenza é de 5 euros, de baixada.

O dato da Coruña é o menor dos catro, e reflicte un aumento dun euro máis que o dato de 2015, ao reflectir unha alza a súa cifra de ingresos e o de Pontevedra mantense nunha cifra similar á do ano anterior.



A composición dos ingresos en termos per cápita resúmese do seguinte xeito:

Na cifra de **ingresos tributarios** obsérvase que houbo un descenso de 2 euros para a media de Galicia, reflectindo 37 euros per cápita. Debido ao acusado descenso do capítulo III, taxas e outros ingresos de natureza tributaria producido no orzamento de Lugo,


o agregado destes ingresos experimentou unha baixada de 13 euros por habitante e pasa a ser o único dato que queda por debaixo da media de Galicia. Téñase en conta ademais que tradicionalmente eran os datos dos orzamentos provinciais de Lugo e Ourense os máis elevados en termos per cápita, sobre todo polo menor tamaño poboacional, feito que este ano, soamente se pode deducir do orzamento ourensán que presenta un resultado de 42 euros por habitante (3 euros menos que o seu dato de 2016).

O dato de ingresos tributarios por habitante para o orzamentos de Pontevedra é moi similar ao da media de Galicia, situándose o da Coruña lixeiramente por debaixo.

Como xa se viu os gastos de natureza tributaria teñen as porcentaxes máis elevadas nos orzamentos da Coruña e Pontevedra, ao redor do 23%, mentres que os doutros orzamentos provinciais, son de 14,5% e 17%,

**VARIABLES E RATIOS ECONÓMICO-FINANCIERAS
ANO 2017 INGRESOS**

	A Coruña	Lugo	Ourense	Euros por habitante e porcentaxes	
				Pontevedra	Galicia
Ingresos Totais (IT)	157,6	241,2	247,5	161,8	179,7
Ingresos Tributarios (I+II+III)	35,7	35,0	42,0	37,4	37,0
% ITR / IT	22,7%	14,5%	17,0%	23,1%	20,6%
Transferencias Correntes (IV)	121,2	200,4	203,3	121,6	140,6
% TC / IT	76,9%	83,1%	82,1%	75,2%	78,2%
Operacións Correntes (I ao V)	157,3	235,8	246,0	160,1	178,2
% OC / IT	99,8%	97,8%	99,4%	98,9%	99,1%
Operacións de capital (VI+VII)	0,1	4,4	0,5	0,3	0,8
% TDC / IT	0,1%	1,8%	0,2%	0,2%	0,4%
Operacións Financeiras (VIII+IX)	0,2	0,9	1,0	1,4	0,8
% IF / IT	0,1%	0,4%	0,4%	0,9%	0,4%



As **transferencias correntes**, capítulo IV, que é o capítulo de maior importe, presenta unha cifra de 140,6 € por habitante para a media de Galicia, 3 euros máis ca en 2016. Malia o descenso producido nos orzamentos de Lugo e Ourense, seguen presentando os datos máis altos, que roldan os 200 euros por habitante, mentres que o dato dos outros dous é menor, con 121 euros por habitante en ambos casos.

Lémbrese que este capítulo é o de maior presenza na composición dos ingresos das entidades provinciais, xa que máis das tres cuartas partes dos recursos das facendas provinciais de Galicia teñen a súa orixe nas transferencias correntes, nas que a partida máis importante é a participación nos tributos do Estado, que se ampliou aínda máis este ano. En 2017 obsérvase escasa variabilidade entre uns orzamentos e outros na porcentaxe deste capítulo, que van desde o 75% de Pontevedra ao 83% de Lugo.

A suma das variables anteriores máis o capítulo de ingresos patrimoniais, conforman o agregado de **ingresos por operacións correntes**, que presentan unha cifra media de 178,2 €/habitante, 1 euro máis ca en 2016, aínda que este conxunto de capítulos mantivo a súa cifra en valores absolutos. Como xa é habitual e como consecuencia do dito ata agora, os orzamentos das dúas provinciais con menor poboación son as que presentan valores por encima da media, con 236 e 246 euros por habitante respectivamente de Lugo e Ourense. Os da Coruña e Pontevedra están por debaixo e roldan os 160 €/habitante. Este dato incrementouse en tres dos orzamentos provinciais, manifestando no de Lugo unha diminución.

Como xa se dixo este agregado ten unha porcentaxe do 99% para o total dos catro orzamentos, sendo case o cento por cento en Coruña, e reflectindo o orzamento de Lugo a menor porcentaxe dos catro.

As **operacións de capital**, capítulos VI e VII, que tiveron unha apreciable diminución xa que minoraron en tres orzamentos, sendo o caso de Lugo o único no que medrou este capítulo. Presentan un resultado medio de 0,8 euros per cápita, case 2 euros menos que en 2016 . Os valores oscilan entre os 4,4 euros por habitante no orzamento de Lugo ao 0,1 do orzamento coruñés.

A porcentaxe sobre o total de ingresos é do 0,4% para a media de Galicia e soamente no orzamento lucense se supera o 1%.


Por último nesta táboa, as **operacións financeiras** (capítulos VIII e IX), presentan a mesma porcentaxe que as operacións de capital, e o mesmo dato para a media de Galicia, oscilando entre 0,2 euros por habitante na Coruña e 1,4 en Pontevedra.

III.3. EVOLUCIÓN DE INGRESOS DO PERÍODO 2012-2017

De seguido preséntase unha síntese da senda que reflicten os orzamentos iniciais das deputacións galegas nos últimos 6 anos, do ano 2012 ao 2017, referida ao total de recursos consignados e aos ingresos tributarios.

Tras o contexto global de crise e recesión económica que tiña provocado unha diminución nos recursos das facendas provinciais, obsérvase que desde o ano 2012 en termos xerais os orzamentos provinciais experimentan unha traxectoria crecente e constante, para o total das catro deputacións, agás o lixeiro descenso xa comentado neste ano 2017.

Como se pode observar foi o ano 2016 o de maior valor da cifra orzamentaria, con 491 millóns de euros, superior en 40 millóns á cifra do ano e 20 máis que a media destes 6 anos, que se sitúa para o conxunto dos 4 orzamentos en 471,5 millóns de euros.




O resultado da evolución desta serie ofrece os seguintes trazos: soamente no orzamento lucense houbo unha taxa negativa (do -2,4%). O orzamento de Pontevedra non tivo variación ao comparalo co do ano 2012, xa que nos primeiros anos desta serie (2013 e 2014) aínda continuou diminuíndo. O único orzamento que tivo crecementos todos os anos deste período foi o da Coruña, cun resultado dunha taxa de crecemento interanual do 5,2% pasando dos 137 millóns de 2012 aos 176,5 de 2017, do que se deduce que o crecemento dos 40 millóns no conxunto das catro deputacións foi debido, sobre todo, ao crecemento do orzamento coruñés. Por último no orzamento de Ourense houbo unha taxa media de incremento anual do 1,6%, e a súa cifra de total de ingresos segue a ser a de menor importe das catro.


TOTAL ORZAMENTO INGRESOS

	2012	2013	2014	2015	2016	2017	Incremento interanual medio
A Coruña	137,0	156,7	157,6	171,3	175,6	176,5	5,2%
Lugo	90,9	86,7	82,2	83,9	83,9	80,4	-2,4%
Ourense	71,2	66,5	73,8	77,4	79,5	77,1	1,6%
Pontevedra	152,8	148,6	146,5	148,6	152,1	152,5	0,0%
Galicia	451,8	458,4	460,1	481,2	491,0	486,6	1,5%

En canto aos importes do total de ingresos obsérvase que os orzamentos das provincias máis poboadas, Coruña e Pontevedra, son as que reflicten os maiores importes, case o dobre da cifra das de Lugo e Ourense.




Ao observar a evolución do total de ingresos por habitante, compróbase que a tendencia de crecemento é similar á comentada para os valores absolutos, tendo en conta que ademais houbo un descenso poboacional no período. Para a media de Galicia pasouse de 162,8 euros por habitante en 2012 a 179,7 do ano 2017.



Ao describir a traxectoria de cada un dos orzamentos provinciais en termos per cápita, o primeiro que se observa é a existencia de dous grupos, como no total de ingresos en termos absolutos, aínda que neste caso, os valores máis altos corresponden aos orzamentos das provincias menos poboadas, Lugo e Ourense.


No caso lucense pasou de ser a cifra máis alta da serie con 261 euros por habitante en 2012 a presentar 241,2 en 2017, cifra superada polo resultado de dividir o orzamento pola poboación en Ourense. No que a variación foi de 216 a 247,5 euros por habitante.

Os resultados en Coruña e Pontevedra fluctuaron entre 120 euros/habitante no ano 2012 en Coruña aos 157,6 de 2017. En Pontevedra dada a súa traxectoria presenta en 2017 case o mesmo valor que en 2012.




A evolución da cifra de **ingresos tributarios** (impostos directos, indirectos e máis as taxas, prezos públicos e outros ingresos) presentou un crecemento nos anos do período 2005-2016 de maior intensidade ca o total de ingresos, presentando unha taxa de crecemento medio interanual do 2,9% para o total das catro deputacións. O dous primeiros anos da serie non houbo variación, mais a partir dese ano houbo crecementos constantes ata a caída manifestada en 2017.


A cifra medida para o total de Galicia oscilou entre os 86,8 millóns de euros de 2012 aos 100,1 de 2017.



Obsérvase, así mesmo que a traxectoria destes ingresos foi máis alta que a do total, o que provoca que a porcentaxe deste tipo de ingresos de natureza tributaria (capítulos de impostos directos, indirectos e taxas e outros) creceu lixeiramente nestes 6 anos do período observado, pasando de representar o 19,2% do total de ingresos en 2012 ao 20,6% de 2017.



A evolución de ambos agregados de ingresos reflíctese no gráfico seguinte



As traxectorias da cifra de ingresos tributarios presentan diferencias entre uns orzamentos provinciais e outros, sendo o orzamento de Ourense no que se aprecia un maior crecemento, xa que pasou de ter a cifra máis baixa, con 7,7 millóns de euros en 2012 case duplicar esa cifra en 2017, reflectindo unha taxa media de incremento interanual do 11,3%. No orzamento de Lugo houbo un descenso do agregado de ingresos tributarios de maior intensidade que o descenso na cifra orzamentaria, sendo a maior parte do descenso neste último exercicio, e provocado pola finalización do ingreso polo antigo hospital provincial. O resultado nese orzamento provincial foi dunha taxa media de descenso interanual do -7,5%.


A cifra de ingresos tributarios consignada nos orzamentos iniciais da deputación da Coruña reflicte un moderado incremento, cunha taxa media do 6,6% superior á taxa de incremento do seu total de ingresos, e ademais é o orzamento que presenta a cifra máis alta.

INGRESOS TRIBUTARIOS

Millóns de euros

	2012	2013	2014	2015	2016	2017	Inc. Interanual medio
A Coruña	29,1	31,7	31,3	39,0	41,0	40,0	6,6%
Lugo	17,3	15,6	15,3	16,7	16,1	11,7	-7,5%
Ourense	7,7	8,3	13,3	13,8	14,1	13,1	11,3%
Pontevedra	32,7	31,2	30,6	34,3	34,0	35,3	1,5%
Galicia	86,8	86,8	90,6	103,8	105,2	100,1	2,9%


Finalmente en Pontevedra a traxectoria foi de crecemento non continuado, xa que en 2013 e 2014 mostrou descensos deste agregado de ingresos. O resultado da variación entre os anos extremos da serie foi dun crecemento interanual a unha taxa media do 1,5%.



Ao ter en conta o tamaño poboacional, obsérvanse as seguintes conclusións:

A cifra de ingresos tributarios por habitante no orzamento lucense foi a maior para todos os anos da serie, agás en 2017, que como se viu tivo unha importante minoración destes ingresos.

O orzamento de Ourense foi o de menor cifra nos dous primeiros anos 2012 e 2013, malia ser a outra provincia de menor poboación e a partir dese exercicio, presenta unha importante evolución á alza, que leva a superar o dato dos orzamentos de Coruña e Pontevedra, e finalmente no ano 2017, é o de maior importe desta variable en termos de euros per cápita.




A serie para o caso da Coruña foi menos acusada, aínda que tamén mostrou un crecemento en todos os anos da serie, agás en 2017. O dato de Pontevedra manifestou descensos nos dous primeiros anos, aínda que partía da segunda cifra nestes termos máis alta das catro deputacións, que mantén en 2017.

III.4. INTRODUCCIÓN AOS ORZAMENTOS INDIVIDUAIS DE INGRESOS POR DEPUTACIÓN

A continuación descríbense graficamente, de xeito individual, os orzamentos de ingresos de cada unha das deputacións provinciais, coa seguinte secuencia de datos expresivos das principais variables orzamentarias:


- En primeiro lugar, descríbese nunha mesma páxina a estrutura básica dos ingresos, unha táboa sintética que recolle os importes de operacións correntes e de capital, que conforman os ingresos non financeiros; e as súas porcentaxes respecto do total. Así mesmo figuran os gráficos de distribución dos diferentes compoñentes de ingresos.
- En segundo lugar, figura a táboa comprensiva do orzamento inicial 2017, e a comparación co orzamento do ano 2016. Así mesmo figura un gráfico coas diferentes porcentaxes de cada capítulo de ingresos nestes dous últimos anos.

III.4.1. ORZAMENTO DE INGRESOS DA DEPUTACIÓN DA CORUÑA




DEPUTACIÓN DA CORUÑA
ORZAMENTO DE INGRESOS

CAPÍTULOS	2016		Increm. % Interanual	(euros) 2017	
	IMPORTE	%		IMPORTE	%
OPERACIÓNS NON FINANCEIRAS					
I. Impostos Directos	16.113.433	9,2%	2,7%	16.554.059	9,4%
II. Impostos Indirectos	14.396.702	8,2%	-1,0%	14.253.765	8,1%
III. Taxas e Outros ingresos	10.519.621	6,0%	-12,4%	9.216.442	5,2%
<i>Ingresos tributarios</i>	41.029.755	23,4%	-2,5%	40.024.266	22,7%
IV. Transferencias Correntes	131.814.277	75,1%	3,0%	135.782.240	76,9%
V. Ingresos Patrimoniais	710.249	0,4%	-47,2%	375.245	0,2%
Operacións correntes	173.554.281	98,8%	1,5%	176.181.750	99,8%
VI. Alleamento Investimentos Reais	1.569.708	0,9%	-91,4%	134.400	0,1%
VII. Transferencias de Capital	0			0	
Operacións de capital	1.569.708	0,9%		134.400	0,1%
Operacións non financeiras	175.123.989	99,7%	0,7%	176.316.150	99,9%
OPERACIÓNS FINANCEIRAS					
VIII. Variación Activos Financeiros	475.046	0,3%	-58,1%	198.850	0,1%
IX. Variación Pasivos Financeiros	0			0	
Total Operacións financeiras	475.046	0,3%	-58,1%	198.850	0,1%
TOTAL INGRESOS	175.599.035	100%	0,5%	176.515.000	100%




III.4.2. ORZAMENTO DE INGRESOS DA DEPUTACIÓN DE LUGO




DEPUTACIÓN DE LUGO
ORZAMENTO DE INGRESOS

CAPÍTULOS	2016		Increm. % Interanual	(euros) 2017	
	IMPORTE	%		IMPORTE	%
OPERACIÓNS NON FINANCEIRAS					
I. Impostos Directos	5.187.444	6,2%	1,9%	5.286.416	6,6%
II. Impostos Indirectos	4.557.464	5,4%	0,1%	4.559.973	5,7%
III. Taxas e Outros ingresos	6.375.433	7,6%	-71,3%	1.830.353	2,3%
<i>Ingresos tributarios</i>	16.120.341	19,2%	-27,6%	11.676.742	14,5%
IV. Transferencias Correntes	65.798.052	78,4%	1,6%	66.842.058	83,1%
V. Ingresos Patrimoniais	326.000	0,4%	-60,1%	130.000	0,2%
Operacións correntes	82.244.392	98,0%	-4,4%	78.648.800	97,8%
VI. Alleamento Investimentos Reais	15.000	0,0%	-100,0%	0	0,0%
VII. Transferencias de Capital	1.329.285	1,6%	11,3%	1.479.285	1,8%
Operacións de capital	1.344.285	1,6%	10,0%	1.479.285	1,8%
Operacións non financeiras	83.588.677	99,6%	-4,1%	80.128.085	99,6%
OPERACIÓNS FINANCEIRAS					
VIII. Variación Activos Financeiros	300.000	0,4%	0,0%	300.000	0,4%
IX. Variación Pasivos Financeiros	0	0,0%		0	
Operacións financeiras	300.000	0,4%	0,0%	300.000	0,4%
TOTAL INGRESOS	83.888.677	100%	-4,1%	80.428.085	100%




III.4.3. ORZAMENTO DE INGRESOS DA DEPUTACIÓN DE OURENSE





DEPUTACIÓN DE OURENSE
ORZAMENTO DE INGRESOS

CAPÍTULOS	2016		Increm. % Interanual	(euros) 2017	
	IMPORTE	%		IMPORTE	%
OPERACIÓNS NON FINANCEIRAS					
I. Impostos Directos	4.340.000	5,5%	-0,9%	4.300.000	5,6%
II. Impostos Indirectos	3.900.000	4,9%	0,0%	3.900.000	5,1%
III. Taxas e Outros ingresos	5.820.232	7,3%	-16,1%	4.883.736	6,3%
<i>Ingresos tributarios</i>	14.060.232	17,7%	-6,9%	13.083.736	17,0%
IV. Transferencias Correntes	61.665.588	77,6%	2,7%	63.335.049	82,1%
V. Ingresos Patrimoniais	253.231	0,3%	-6,8%	236.063	0,3%
Operacións correntes	75.979.051	95,6%	0,9%	76.654.847	99,4%
VI. Alleamento Investimentos Reais	21.000	0,0%	0,0%	21.000	0,0%
VII. Transferencias de Capital	3.156.949	4,0%	-95,5%	143.153	0,2%
Operacións de capital	3.177.949	4,0%	-94,8%	164.153	0,2%
Operacións non financeiras	79.157.000	99,6%	-3,0%	76.819.000	99,6%
OPERACIÓNS FINANCEIRAS					
VIII. Variación Activos Financeiros	300.000	0,4%	0,0%	300.000	0,4%
IX. Variación Pasivos Financeiros	0	0,0%		0	0,0%
Operacións financeiras	300.000	0,4%	0,0%	300.000	0,4%
TOTAL INGRESOS	79.457.000	100%	-2,9%	77.119.000	100%



III.4.4. ORZAMENTO DE INGRESOS DA DEPUTACIÓN DE PONTEVEDRA



DEPUTACIÓN DE PONTEVEDRA
ORZAMENTO DE INGRESOS

CAPÍTULOS	2016		Increm. % Interanual	(euros) 2017	
	IMPORTE	%		IMPORTE	%
OPERACIÓNS NON FINANCEIRAS					
I. Impostos Directos	12.170.533	8,0%	4,5%	12.720.533	8,3%
II. Impostos Indirectos	11.849.322	7,8%	4,5%	12.383.602	8,1%
III. Taxas e Outros ingresos	10.013.605	6,6%	1,7%	10.188.803	6,7%
<i>Ingresos tributarios</i>	<i>34.033.460</i>	<i>22,4%</i>	<i>3,7%</i>	<i>35.292.938</i>	<i>23,1%</i>
IV. Transferencias Correntes	114.738.539	75,4%	-0,1%	114.648.611	75,2%
V. Ingresos Patrimoniais	1.455.751	1,0%	-34,0%	960.750	0,6%
Operacións correntes	150.227.750	98,8%	0,4%	150.902.299	98,9%
VI. Alleamento Investimentos Reais	300.500	0,2%	0,0%	300.500	0,2%
VII. Transferencias de Capital	260.599	0,2%	-100,0%	0	0,0%
Operacións de capital	561.099	0,4%	-46,4%	300.500	0,2%
Operacións non financeiras	150.788.849	99,1%	0,3%	151.202.799	99,1%
OPERACIÓNS FINANCEIRAS					
VIII. Variación Activos Financeiros	1.307.451	0,9%	0,0%	1.307.401	0,9%
IX. Variación Pasivos Financeiros	0	0,0%		0	0,0%
Total Operacións financeiras	1.307.451	0,9%	0,0%	1.307.401	0,9%
TOTAL INGRESOS	152.096.300	100%	0,3%	152.510.200	100%

